



59549

kat.komp.

Mag. St. Dr.

Wolski Matthias Augustini: Manipuli Ari-  
stotelis Physiologiae.







MANIPVLI  
ARISTOTELIS  
PHYSIOLOGIÆ.

Ad Solennitatem  
GENERALIS CAPITVLI  
Miechouiens: Canonorum  
Regularium.

SS<sup>mi</sup> Sepulchri Domini Hierosolymitani:  
Publicæ Ventilationi.

T E R

V. Fr. MATTHIAM AVGVSTINVM WOLSKI  
*Philosophiæ Auditorem, eiusdemq; Sacri Canonici  
Ordinis Professum.*

A S S I S T E N T E S I B I

R. P. M. ALBERTO NV CERINO Philosophiæ  
Doctore, eiusdemq; in Conuentu Miech.  
Professore Ordinario

E X P O S I T I.



Anno à Partu Virginis M. DC. L. IV. Mense Octobr.  
Die yndecima, Hora 2. post Merid.

C R A C O V I Æ,  
Apud Lucam Kupisz S. R. M. Typographum.



IN  
SERENISSIMA PRINCIPIS  
Insignia.



59549 III

Define Custodes AQVILAS, Custode perempto.  
Mirari: ad sanctum Cracia docta Tuum.  
Quando Micchouiano Princeps, dat iura Sepulchro  
Regni AQVILA, hunc. Christi protegit Ecce Thronū.

V. Fr. Simeon Kąwalczyński Art. & Phil. Bacc.

Conu. Micch. Professus.



A D  
SERENISSIMVM POLONIÆ  
ET SVECIAE PRINCIPEM

CAROLVM FER-  
DINANDVM

Dei Gratia Plocensem, Vratisl:

EPISCOPVM,

DUCEM Opoliensem & Ratiborieñ.

ABBATEM CLARÆ TVMBÆ,

*Ordinis Canoniorum Regularium, SS: Sepulchri  
Domini Hierosolymitani*

PRÆPOSITVM GENERALEM.

PRÆFATIO.



Nnus est Princeps  
Serenissime, ex quo Custodia, magni in mundo The-  
sauri, feliciter Præpositus:  
supplex Domini adorasti  
Sepulchrum. Surgere iterum videbatur  
Christus, quando lumen Maiestatis Sere-  
nissimæ; quamuis non atria Hierusalem:  
vbi stantes erant pedes nostri: quæ fæda  
Turcarum polluit barbaries, sed exulantes



à Sepulchro D E I, circumfulsit Præficas.  
Tunc longa doloris contraximus Syrmata:  
tunc turpi proiecto squalore, nouam Pa-  
schalem induimus lætitiā. Gestiuimus  
pridem tantā Maiestate, quæ gloriosum  
hoc in scripturis sepulchrum: aliquando  
Serenissimā, id est Regiā conuestiret Pur-  
purā, & Custodibus eius ereptum: tandem  
recuperaret thesaurum. Quidni? Licuit  
semper ibi spem ponere, vbi perpetuò ri-  
dent vota, & votis res loquebatur: licet in  
illum propendere, quem DEVS magnis Or-  
bis submisit necessitatibus; imo quem illa  
ipsa rerum humanarum Domina Fortuna  
submissè veneratur: vt quocunque descen-  
derit, magno sequatur apparatu. Cū e-  
nim Maiestas Serenissima, vel primū Ba-  
silicæ nostræ inferret gradum, cum non-  
dum inferret, iamque præuiā liberalitate  
Regiam ad sepulchrum adornasset viam:  
ita habuimus, venisse illa tempora, quibus  
Othomanica Luna, turpiter ex Ecliptica  
protruderetur sua, vt CRUX CHRISTI, cun-  
ctis astris splendidior, iterum Hierosolymis  
exaltaretur. Quid prohibet? Non frustra  
tot Episcopæ, tot Cathedræ. Præsuleā Am-  
plitudinis Tuæ Tyarā, sceptroque, peditaque  
gloriantur. Non frustra tot Christi paupe-  
rum



rum Asceteria, Viua Pietatis Tuæ, pro AV-  
GVSTINO, BERNARDO, venerantur insignia;  
imo tota Sarmatia fame, nuditate, bellis, affli-  
cta de Manipulo Tuo, ceu pauper illa Ruth  
Moabitidis, de agris Boos colligendo spicas  
quærit solatium. Nimirum felices illi sub-  
diti, quibus dextera Tua, dextera virtutum,  
ad Regnorum sceptrata nata, clementissimè  
potestatem & munificentiam dispensat. Fe-  
lix resp. cui tantus PRINCEPS pro Maiestate,  
supra omnium desideria præfidet. Sed hæc  
quidem loquuntur alij. Nobis quia Sacra-  
tissimæ Tuæ purpuræ impertijsti radios,  
quando receptis à Sepulchro Dei clauibus,  
fideliores eius prouidisti excubias, quia sic  
complexus es, vt quidquid ad dignitatem  
Ordinis nostri Canonici desideraretur, pro-  
curasses, quando diem hanc, quam Sol ipse,  
publica mundi fax, per annos viginti ali-  
quot non indulserat. Generale in commu-  
ne Ecclesiæ & Ordinis SSmi bonum, desi-  
gnando Capitulum, pulcherrimè oriri feci-  
sti; quibus Te laudibus efferemus? quâ be-  
neuolentiâ, gratitudine, quibus studijs pro-  
sequemur? Non quodcunque os, aut cala-  
mus, vocalem meritissimorum Principum  
gloriam, dicere vel scribere pro Maiestate  
sufficit. Ecce tamen sepulchrales Musæ, in

B

solen-



folennitate anniuerſariæ lætitiæ noſtræ, pro  
Auguſtiſſimis, diei hodiernæ auſpicijs, di-  
cunt aliquid: quando Frugis Ariſtotelicæ.  
Tuū SERENISSIME Princeps, humiliter ve-  
nerabundæ MANIPVLVM, eunt cum exulta-  
tione portantes Manipulos ſuos. Patieris  
Ioſeph innocentiffime, Tuum Sacratiffi-  
mum, à noſtris Philoſophicis adorari MA-  
NIPVLVM, & quidquid noſtris de plenitudi-  
ne de fuerit, à Regio Tuo mutuentur Ma-  
nipulo. Ita quod Principis eſt, oſtendes: ita  
præmetium iſtud Meſſis noſtræ ſub Alas  
AQVILÆ Tuæ, ceu in ampliffimum horreū  
congregabitur; Ita ibis in ſæculorum me-  
moriā, quando ſic viuis, vt Te omnes im-  
mortalem eſſe velint. Viue feliciter.

Vouet & precatur

humile ſtudio

Conu. Miech.

MANI-



# MANIPVLI PHYSIOLOGIÆ ARISTOTELIS.

## I.

**P**hilosophia Naturalis, rerum  
Diuiinarum ac Humanarum con-  
templatrix subtilissima, à Ratio-  
nali, per obiectum reale, à morali  
perspeculationem distincta, apud  
Peripateticos, meritò ceu genus per suas species  
in Phisicam, Mathematicam, & Metaphisicam  
discescitur. Eius pars subiectiua in primo ab-  
stractionis gradu consistens, Phisiologia nuncu-  
patur; & Ens Mobile (sumpto Ly Mobili radica-  
liter) in communi spectatum, tanquam obie-  
ctum Librorum octo de Phisico auditu, cum Ari-  
stotele expendit: sicut Metaphisica Ens quatenus  
Ens, & Mathematica Ens quantum. Huius prin-  
cipia & passionibus in omnibus entibus naturali-  
bus specificis, processu illo, quem ipsa natura do-  
cuit, ab vniuersalibus tanquam notioribus, ad  
minus vniuersalia tanquam ignotiora descen-  
dendo, sagacissimè peruestigat.

## II.

**P**rima Entis Mobilis, vt ab Incorruptibili &  
corruptibili abstrahit principia, perfectissi-  
mo numero continentur; & sunt ista, Materia,  
Forma & Priuatio, quoad Fieri: In facto verò ef-



se duo, Materia & Forma. Quorum essentia optimè explicatur, quod sint ea, quæ nec ex alterutris, nec alijs, sed ex illis omnia fiunt. Immutabilitas & contrarietas eaq; prima illis competit, tanquam proprietates.

III.

**M**ateria prima, pars altera compositi naturalis, non tantum rerum orbe Lunæ contentarum, sed etiam in tota regione cælorum, in prima rerum molitione, ab Auctore naturæ cum rebus comproductâ. Est primum subiectum, ex quo aliquid fit, cum insit per se, & non secundum Accidens, in quo omnis mutatio Phisica, vel mediata vel immediata recipitur, sine quo agens natura nihil potest efficere.

IV.

**L**icet sit mutationis subiectum, ingenerabilis tamen est, & incorruptibilis; quemadmodum incognoscibilis per se, cognoscibilis tamen per analogiam ad formam, unde variè à Philosophis nominatur Chyle, Subiectum, Origo, Massa, Elementum, Sylva, Mater, Fæmina, Turpe Chaos.

V.

**E**t si verò Materia prima, sit primum subiectum uniuscuiusq; rei, non tamen Accidentium corporum, quorum subiectum ut Quod; est totum compositum. Dispositiones autem quæcunq; illæ fuerint, non subiectantur nisi in subiecto, aut corrumpendo aut Genito: nec Accidentia, sunt eadem numero in corrupto, quæ fuerant in Genito, sed tantum specie.

VI. Si



## VI.

**S**i essentiam spectemus Materiæ secundum se, Sest pura potentia etiam Metaphisica, quæ illi in primo modo dicendi competit, reducitur tamen ad Genus substantiæ; comites habet, Priuationem & Appetitum innatum ad formas quidem præsentem, complacentiæ: ad illas quas nondum habuit desiderij; ad semel amissas nulum naturalem.

## VII.

**A**ctus omnium physicus, quàm Metaphisicus, à Materia prima procul abest. Actus Entitativus, quem Subtilis Doctoris Schola tueretur, in Schola Aristotelis, aut nihil est, aut Ens rationis: sicut & sua potentia obiectiva, unde illæ dimensiones interminatæ, quas in Materia prima aliqui ponunt, manent exclusæ, sed & Actus substantiæ in Materia prima nullus est, sicut neque vlla existentia partialis, imò neque per Diuinam potentiam Materia sine forma potest existere; neque tamen hinc, licet inferre Materiam esse nihil.

## VIII.

**M**ateria prima secundum se spectata, non est vna specie, aut numero positiuè, sed tantum negatiuè: Diuersa autem est rationis, illa quæ est in cælis, ab ea quæ est in his inferioribus, cui desultoria leuitas in abiiciendis & recipiendis formis est adnexa.

## IX.

**A**ltera pars Compositi Naturalis, forma dicitur, quæ est actus primus corporis Naturalis,

C

ralis,



ralis, educiturque è potentia Materiæ, excepta sola anima rationali, quæ iuxta Augustinum infundendo creatur, & creando infunditur: & Formâ Cælorum. X.

**F**ormæ etiam Accidentales omnes, quæ non habent ex Natura sua necessariam concomitantiam & connexionem cum subiecto, educuntur de potentia Materiæ; tam naturales quàm supernaturales, tam Artificiales, quàm Intentionales. XI.

**E**ductio formarum non est possibilitatis Materiæ, in easdem conuersio: vnde formæ neque secundum existentiam, neq; secundum esse imperfectum, neque secundum inchoationem præexistunt in Materia prima. XII.

**I**mplicat, dari plures Formas substantiales, in eodem composito Naturali, eamq; ob causam etiam dari negamus formam corporcitatis, in composito naturali: cum sit effectus alicuius Formæ indiuiduæ. XIII.

**Q**uamuis Formalis distinctio rerum sumatur à Forma, hæc enim est quæ constituit rem in Esse specifico, & distinguit: nihilominus non est tota quidditas rei naturalis, sed id quod resultat ex Materia & Forma. XIV.

**P**riuatio tertium principium generationis, sic habet, quod sit carentia formæ cum aptitudine ad ipsam. In recto est non Ens, vt loquitur



turly carentia. In obliquo, quia per ly Aptitudinem, connotat Materiam, est Ens reale, à qua in ratione principij distinguitur formaliter. Materialiter conueniunt.

XV.

**C**ompositum Physicum, nisi vniatur ex Actu & potentia substantiali, non erit Ens vnum per se: Verum enim uerò vnio hæc, quæ intercedit inter Formam & Materiam, non exercetur per illarum entitates, sed necessariò per aliquem nexum, ab vtroque distinctum: ly autem nexus, aliàs vnio, nihil est aliud, quàm Modus informationis, modus inquam substantialis, modaliter distinctus à Materia & Forma.

XVI.

**C**ompositum Naturale, quatenus est terminus Physicæ tantum, non distinguitur realiter à partibus simul vnitis; sed tantum formaliter, formalitate distinctionis rationis rationata. Quatenus autem est terminus vnionis Metaphysicæ, realiter distinguitur à partibus vnitis inter se, vnione Physicâ; realitate includentis & inclusi.

XVII.

**N**atura essentialiter definitur, quod sit Principium Motûs & quietis, eius in quo est, primò & non secundum Accidens: non est tamen principium motus vt Quod, sed vt Quo: Definitio præsens competit cælis & animæ rationali, etiam secundum gradum intelligendi. Partes subiectiuæ Naturæ, sunt Materia & Forma, quibus



bus ratio Naturæ analogicè conuenit. Quia  
Forma, magis est Natura quàm Materia.

XVIII.

**A**rs est quidem æmula Naturæ, quo ad Mo-  
tum extrinsecum, sed penitus differunt in  
attributis, ideo Ars effectus Naturales nec ut  
causa principalis, nec ut instrumentalis potest  
attingere.

XIX.

**C**ausa. Est id ad cuius esse sequitur aliud.  
Quadrupliciter in Materialem Formalem  
Efficientem & Finalem diuiditur, adæquatè qui-  
dem sed analogicè, nec in species infimas. Porro  
omnis causa causans in Actu secundo, est prior  
suo effectui prioritate naturæ à qua, non in Qua.  
Nisi fortè materialiter accepta. Estq; nobilior  
suo effectui si spectetur ratio causandi, ac com-  
municandi esse vniuersaliter, & si fuerit causa per  
se, ac principalis.

XX.

**M**ateria & Forma causant per suas substan-  
tiales entitates, non per aliquid superaddi-  
tum. Causalitas vtriusque est vnio. hoc discri-  
mine: quia vnio quatenus se tenet ex parte Mate-  
riæ, est causalitas Materiæ, quâ mediante causa-  
tur Forma Materialis: quatenus verò in alio  
genere causæ, tenet se ex parte Formæ, eius est  
causalitas, quâ mediante Forma causat. Nam  
cùm vnio sit vinculum Materiæ & Formæ, ab v-  
traque dependet, estque vtriusque causalitas in  
diuerso genere causæ.

XXI. Idea



## XXI.

**I**dea, siue Causa exemplaris, quæ Est Forma quædam obiecta intellectui, intra ipsum existens, ad quam artifex aspiciens operatur. ad Causam Formalem reducitur. Causalitas eius consistit in imitatione passiuâ, seu formatione rei ab Extra, secundum exemplar ad Intra.

## XXII.

**C**ausa efficiens Est id, unde primò incipit Motus & quies. Causalitatem suam fundat in agere, seu in dare esse rei effectiuè, quatenus efficiens constituitur in actu secundo, quo formaliter & intrinsecè agens agere dicitur, qui Actus est relatiuus, relatione transcendentali, ad passionem inferendam passo.

## XXIII.

**F**orma substantialis in efficiente est quidem radicale principium producendi substantiâ, sed non immediatum. Opus enim habet potentijs & accidentibus, vt instrumentis datis ad agendum. sine vlllo influxu substantiæ in accidentia, siue illa sint principium vitale, siue vitalitatis expertia.

## XXIV.

**I**nstrumentum in tantum agit in quantum mouetur à principali causa, ideoque recipit in se aliquam vim à principali. Vt autem concurrat ad actionem efficientis, requirit aliquid actionis præuiæ & propriæ.

## XXV.

**N**atura agit propter finem, sed non propter vnum, nec eodem modo agit in omnibus.

D

Mon-



Monstrum materialiter sumptum intenditur à natura, formaliter minimè. Causatur autem ex ijsdem causis ex quibus dependent res naturales. Videlicet Efficiente, Continente, & Materia.

XXVI.

**F**inis, Cuius gratia aliquid fit, est vera causa realis. Ratio formalis motiua in causa Finali, est bonitas realis ipsius finis. Apprehensio verò talis bonitatis, est conditio sine qua non. Causalitas finis, Est motio Metaphorica, quæ consistit in Actu voluntatis, quatenus propter finem elicitur.

XXVII.

**C**ausa prima, causam secundam ita præmouet ad agendum, vt absq; concursu actuali immediato Causæ primæ, non possit operari. Deus enim concurrit immediatè ad omnes effectus non solum immediatione virtutis, sed etià suppositi. At enimverò concursus primæ Causæ siue præmotio, non intelligitur cum impositione necessitatis, ( quomodo Hæretici sumunt præmotionem, qui dicunt non sponte, malè vel benè agere, sed quia præmouetur à causa prima. Contra quos Concilium Tridentinū *Seß. 6. Can. 4.* sic de motione præuia definit. Illa posita, adhuc esse in potestate voluntatis non consentire. Neq; hoc est contra efficaciam diuinæ motionis, sed ex sapientia, Prouidentia, & voluntate primi Motoris, qui quando vult etiam efficaciter facit vt voluntas infallibiliter consentiat. Si quis ergo dixerit hominem motum à Deo non posse dissentire si velit, anathema sit. ) sed sumitur præ-

motio



motio legitimè pro motu ad operandum conuenienti Naturæ quæ præmouetur, vt si Natura sit libera, libertate saluâ præmoueatur. Si agens necessarium præmoueatur vt agat necessario.

XXVIII.

**D**Væ Causæ totales principales eiusdem ordinis & generis, nec simul, nec diuisim, eundem numero effectum producere possunt, idque tam viribus Naturæ, quàm supernaturaliter.

XXIX.

**V**Na & eadem Causa efficiens Naturalis, proxima ac immediata immediatione suppositi, eodem modo se habens, & agens in idem subiectum eodem modo dispositum: non potest non idem agere, seu non potest facere contraria, Causa verò tam Materialis, quàm Finalis possunt causare opposita.

XXX.

**C**Asus & Fortuna, sunt Causæ per Accidens in rebus Naturalibus, & optimè sic definiuntur. Casus Est causa indeterminata, & contingens istorum effectuum, qui fiunt rarò, non gratia finis, in agentibus, sine deliberatione, sed ex instinctu Naturæ. Fortuna autem Est causa per accidens horum quæ fiunt non propter hoc: Extra semper & frequenter, in non habentibus propositum, sed instinctum Naturæ.

XXXI.

**F**atum, quod Est in rebus creatis dispositio infallibilis causarum secundarum per diuinam prouidentiam ad suos effectus ordinatarum. Si



actiue sumatur importans ordinationem diuinam, est in Deo & dicitur Prouidentia, si passiuè sic in rebus, & propriè dicitur fatum. Si comparetur ad suum principium Est vnicum, si verò ad suos effectus, sunt multiplicia.

XXXII.

**D**istinctio Motus, quæ Est Actus entis in potentia, secundum quod in potentia, & tam instantaneas, quæ sunt motus imperfecti, quam successiuas comprehendit mutationes, adæquatèque diuiditur in Motum secundum Substantiam, Quantitatem, Qualitatem, & vbi, tanquā genus in suas species. Vnitas specifica Motus desumitur à termino ad Quem, à quo, nec sola ratione, nec distinctione maiori reali, sed reali formali seu modali distinguitur. Vnitas Numerica motûs formaliter sumpti, requirit vnitatem Mobilis, Terminis, & Temporis.

XXXIII.

**C**ontrarietas verò Motuum tam instantaneorum, quam successiuorum, desumitur formaliter à contrarietatibus terminorum ad Quos, Materialiter autem à Terminis à Quibus. Mobile in motu tam Physico, quam Metaphysico non potest à se, per se, & primò moueri, sed necesse est vt omne quod mouetur ab alio moueatur secundum illud Philosophi proclamatum axioma. Repugnatque Mobile vnum & idem, simul duobus contrarijs Motibus moueri etiam in gradibus remissis.

XXXIV.



## XXXIV.

**I**mplicat contradictionem, dari infinitam creaturam secundum essentiam, aut infinitum multitudinis, & magnitudinis actu, aut Qualitatem intensè infinitam. Et quamuis in Continuo dentur indiuisibilia continuantia & terminantia realia, illa tamen non sunt infinita actu, sed finita in continuo, quod non constat ex indiuisibilibus seu punctis, sed ex partibus quæ per indiuisibilia tanquam per terminos copulantur & terminantur. Vnde patet, omnia viuientia & non viuientia, in via naturæ determinata esse ad maximum Quod sic, vel minimum Quod sic.

## XXXV.

**L**ocus qui Est extrema pars corporis cōtinentis primò immobilis, omnia corpora circūscribit: Eius proprium est attrahere & conseruare locatum. Repugnatque etiam per potentiam Dei absolutam, vnum & idem corpus circumscriptiuè esse in pluribus locis. Benè tamen per eandem diuinam potentiam, duo corpora in vno & eodem loco possunt esse, licet id natura suis viribus efficere non valeat. Vacuum per nullas vires creatas dari potest: si daretur per possibile, posset moueri in illo corpus, non instanti sed in tempore.

## XXXVI.

**T**empus, est ens reale extra animā. Sic audit, quod sit numerus motus secundum prius & posterius: Formaliter & completè acceptum est tantum vnum, quod omnes res sublunares seu

E                      tempo-



temporales mensurat: Eius instans est vnicum extrinsecum, quod nominat Philosophus secundum Rem vnum, multiplex intrinsecum, quod idem appellat diuersum Ratione. Res successiua incipiunt per vltimum sui non esse, & desinunt per primum sui non esse. Res vero seu substantiae generabiles & corruptibiles, incipiunt per primum sui esse, & desinunt per primum sui non esse. Qualitates autem materiales, quae per motum & expulsionem contrarij inducuntur in Fieri, seu secundum gradum indeterminatum, incipiunt per vltimum sui non esse, & desinunt per vltimum sui non esse. Eadem in Facto esse, secundum gradum determinatum: incipiunt per primum sui esse, & desinunt per vltimum sui esse. Sed substantiae immateriales, conuenienter ad suam naturam incipiunt per primum sui esse, & si desinerent, desinerent per vltimum sui esse.

XXXVII.

**O**ptimè intulit Aristoteles, ex illò principio: Quidquid mouetur, ab alio mouetur: Dari primum mouens, Vnum, Immobile, Aeternum, Virtutis infinitae, Praesens vbique, Intelligens, Volens, cuius intellectio est ipsius essentia, summeq; seipso beatū esse. Cui soli honor & gloria in saecula saeculorum.

OSFSC







31.



SI070003612

Biblioteka Jagiellońska



